

泉州府志

第二十八册

卷之五十四



泉州府志卷之五十四

文苑

道之顯者謂之文文以載道也鉅釘塗澤求一言之
幾乎道而不可得是烏足以言文泉固人文藪也有
志之士含經咀璣探討羣書充然有得斯其發之也
隨高下大小而皆隨所謂自出機杼成一家肋骨者
也至閩人有不能詩之謂謂其於韻學未工而遡唐
以來泉之以詩名者指不勝屈吳楚諸名士或未能
過之筍水濯波朋山絢彩毋亦秀氣所鍾歟若乃沈

心稽古猶未大發其光而或嘗遊大賢之門或私守
傳家之訓閒有載筆亦復斐然可觀固皆學中人也
國家設科取士制義之外以論策覘其夙學二場去駢
語而用聲律取士之方駕唐宋元明而上然則模擬
非工沿襲爲病操觚家其益知所重矣志文苑附向
學

唐文苑

蔡沼

許稷

陳

穀

王穀

王

虬

黃 學

蔡沼字虛中晉江人貞元中明經及第歐陽詹文集有送
蔡沼孝廉及第後歸閩覲省序其畧曰蔡侯沼字虛中
予之邑人又懿親也虛中以學予謬以文共受遣乎長
吏皆來試於宗伯虛中登太常第歸寧故園予有滕臆
之困猶謂示師才與命與虛中其行乎勿謂業就不增
修勿謂名成有所忽及此方遠大虛中志之閩書
許稷字君苗祖輔乾爲泉刺史卒父楸文家于莆稷復徙
泉之晉江少與陳舍人謝等會飲詡語輕之稷投盃入

終南山隱

詳見拾遺

學三年出就府薦舉貞元十八年進士

歷官比部尚書郎終衡州刺史從駕西幸賜賚甚厚稷

工詩歌與歐陽詹林藻友善嘗爲江南春三首詞甚綺

麗人傳誦之

舊志參閩書

陳嘏字錫之晉江人開成三年進士官刑部郎中以詞賦

擅時名尤工篆隸宣宗嘗善其所作霓裳羽衣曲曰琬

琬器也將大用之以疾卒時同邑人王穀亦工詩

舊志參閩

書

王虬字希龍南安人大順元年進士時新克復長安一榜

號爲得人未幾卒此爲文新奇有集十卷行世

志

黃舉南安人累舉不第有文聲所交皆當世名賢初下第

歸郡牧烏重儒以女妻之爲築十里沙堤直抵其廬夾

植刺桐間里榮之號秀才堤後就辟天德軍從事尋中

飛語黜湘陰令舍人劉三復秋兼暮封敖俱以詩送之

未幾卒

舊志

五代文苑

康仁傑

王

康仁傑晉江人喜儒學工詩因遊江淮南唐陳德誠薦至

金陵唐主名問士俗對荅無滯授鄂州文學補溧陽簿

素性清儉門無私謁終汾陽令

舊志

王肱字用輔晉江人爲文好譏刺當世以是累舉不第嘗著濟狀一篇言濁河貫清濟濟詰其浹濁時甚奇之又

有無題古詩一百三十首辭多悽惋

舊志

宋文苑一

黃禹錫

觀

劉昌言

錢熙

黃藪

黃宗旦

李慶孫

吳謂

黃翰

陳在中
註

李沂

鄭褒

胡靖

郭咸

謝伯景

陳沼
註

呂夏卿

呂科

許權

郭肱

黃冠

邱崇

江致堯

盧瞻

劉驥

曾誕

劉濤

謝文龍

維新

郭浮休

謝起宗

梁南一

黃萬頃

林外

黃址

曾慥

王文獻

施實德

郭嶺

黃禹錫字仲元惠安人僞閩時以鄉薦釋褐授校書郎留

從劾以名聞于南唐授檢校尚書兵部員外郎凡機密

事悉委之周顯德中齋從劾表閒道赴大梁素對稱旨

賜賚甚厚宋初以陳洪進爲平海節度使遷禹錫檢校
尚書水部郎中攝莆田令洪進歸地時林居裔聚衆游
泮洞作亂諷禹錫爲主禹錫曰頭可斷賊不可爲密遣
長子觀與陳靖乞兵于漕使楊克讓賊聞之怒坐禹錫
與次子藪帳下欲斬之父子不爲屈神色自若賊廼釋
之旣而觀靖以兵至賊平太宗嘉之賜袍笏尊請老以
疾終初觀請兵具列利害願以身先克讓壯其言後代
父知縣事歷知榮閩二州終兵部員外郎

舊志

劉昌言字禹謨南安人七歲能屬文陳洪進擢爲功曹蔡

軍掌牋奏力勸洪進歸宋洪進遣子入貢昌言偕行太祖親勞之太平興國二年洪進歸朝太宗召謂曰覽洪進表委命盡心非卿潤色耶洪進改鎮徐州又辟徐州推官五年授歸德軍掌書記八年舉進士第二人太宗遣中使引登便殿曰卿復來應舉耶昌言曰陛下以文明治天下臣遭千載之遇再獻薄技耳上紀聖德詩五十韻遷保信武信二鎮判官錢徽帥鄧表薦之移秦寧軍節度判官入爲左司諫廣南安撫使淳化初趙普罷午西京表爲通判委以府政普疾囑後事昌言紀綱甚

悉太宗以爲忠於所舉拜起居郎賜金紫錢五十萬連對三日皆至日旰無不稱旨太宗謂宰相曰昌言質狀非偉若以貌取失之子羽矣顧昌言曰卿忠孝兩全東南一奇士也累遷同知樞密院事昌言驟用不爲時望所服或短其閩音太宗曰朕能曉之又有言委母妻鄉里十餘年不迎侍別娶旁妻詔令迎歸京師本州給錢辦裝縣次續食會誅凶人趙贊昌言素與贊善前在河南嘗保任之心不自安太宗問及迎侍有與贊交者昌言蹶然出位頓首稱死罪太宗憫免之然自是惡其爲

人以給事中罷出知襄州上言輸稅獲盜二事太宗以其不循舊例切責之至道二年徙知荆南府真宗卽位遷工部侍郎卒年五十八贈工部尚書有文集三十卷子有方刑部員外有政工部員外孫濤七世孫用行

宋史
閩書

錢熙字大雅南安人父居讓陳洪進署爲清溪令熙幼穎悟及長博貫羣書善屬文洪進嘉其才以弟之子妻之署府職辭不就著楚雁賦以見志尋復辟爲巡官專掌牋奏洪進歸朝熙不敘舊職雍熙二年舉進士先一年

攜文謁宰相李昉昉深加賞重爲延譽於朝令子宗諤
與游旣登第仕度州觀察推官用寇准薦試中書遷殿
中丞賜緋魚獻四夷來王賦凡萬餘言太宗奇之命直
史館編類文集坐累出判朗州改衡州在任詔獎有公
勤廉幹之褒至道閒加右司諫李宗諤楊億梁灝等表
請復熙舊職不報徙杭州政多專達轉越州熙好詩負
氣善談笑精筆札然猶躁務進自罷史館憤恚成疾卒
年四十八嘗撰三酌酸文世稱精絕其畧曰渭川凝碧
早拋釣月之流商嶺排青不逐眠雲之客又云年年落

第春風徒泣於遷鶯處處羈遊夜雨空悲於斷雁鄉人
李慶孫哭之曰四夷妙賦無人誦三酌酸文舉世傳又
有擬古樂府著雜言十數篇及措刑論有集十卷子蒙
吉景德二年進士裔孫褒

舊志參宋史廣輿記閩書浙江通志

黃敷惠安人禹錫次子幼聰悟以文贊江南祕監陳致雍
致雍深器之與錢熙曾會相友善蘇易簡知貢舉敷以
皇朝受命賦萬餘言爲獻蘇奇之名試崇政殿未就卒

舊志

黃宗旦字叔才惠安人禹錫孫觀子少有神童稱禹錫命

賦早春詩有就中喜有龍門客躍出洪波只待雷之句
見者嗟異後以文贊寇準王禹偁錢若水咸加器重歐
陽修稱宗旦爲閩中文士咸平元年進士第二人與同
縣李慶孫齊名人爲語曰國朝才子黃宗旦天下文章
李慶孫尤善鑒士經賞識者無不知名知蘇州王質通
判州事宗旦以年少易之質每事與爭宗旦嘗得強盜
數人以詫質質請曰公何從知其爲賊宗旦曰吾以術
鉤得之質曰仁者之政以術鉤人致之罪而又喜耶宗
旦大服亟稱質曰君子也晚直史館病目乞致仕以刑

部郎中出知襄州卒有集十卷子堯允亦知襄州父子

繼牧一郡鄉人榮之孫翰以上舍生知柳州

舊志叅
閩書

李慶孫惠安人咸平元年進士仕江州推官有文名與黃

宗旦並稱

閩書

吳謂字浩然惠安人咸平三年進士文詞俊邁負氣寡偶

丁謂當國不肯避其名遂斥外終屯田員外郎姪孫達

老閩

書

黃翰惠安人宗旦孫知柳州爲文祭柳子厚其詞曰世傳

不朽文學辭章惟公之文駕韓歐張雄深雅健實比子